



Սայաթ Նովա

Փահրադը մեռած, Շիրինն ասաց

Էս մուսադասի ձենով է, շատ լավն է, Սայաթ Նովայի ասած:

Փահրադը մեռած, Շիրինն ասաց՝ դարեն էրված իմ.
Քաշվիլ է վարթը, մոդ չի թողնում, խարեն էրված իմ.
Բըլբալըն ասաց՝ վարթիս խաթրի քարեն էրված իմ.
Տասնումեկ ամիս մունջ իմ կացի՝ տարեն էրված իմ.
Աստված կու սիրիս, գար մի՛ հաքնի, գարեն էրված իմ,
Մեջլումի նըման ման իմ գալի, յարեն էրված իմ:

Չը կա փաշայի խազինումը մայ քիզի լայիդ.
Հալա չին գործի Քիրմանումը շալ քիզի լայիդ.
Օսկե մատնումըդ դուն դըրիլի իս լալ քիզի լայիդ.
Հաքիլ իս ատլաս, ռանգը գուլգագ-ալ քիզի լայիդ:
Աստված կու սիրիս, գար մի՛ հաքնի, գարեն էրված իմ,
Մեջլումի նըման ման իմ գալի, յարեն էրված իմ:

Խոսքիրըդ քախցըր, լիզուդ շաքար, շարթի միշումը.
Գարունքվան ծաղիկ, բաց իս Էլի մարտի միշումը.
Մագիրըդ ռեհան, փաթըթված է վարթի միշումը՝
Կանանչ տերեվեն նամ չի կաթի գարթի միշումը.
Աստված կու սիրիս, գար մի՛ հաքնի, գարեն էրված իմ,
Մեջլումի նըման ման իմ գալի, յարեն էրված իմ:

Մայաթ Նովեն իմ, Էնդուր գու լամ, դարդիրըս արբար.
Մագիրըդ ռեհան, կըլապիտոն, հուսիրըդ շարբար.
Բարակ դամաթիդ խիստ սազ գու քա դիբա ու գարբար.
Աստված կու սիրիս, գար մի՛ հաքնի, գարեն Էրված իմ,
Մեջլումի նըման ման իմ գալի, յարեն Էրված իմ: